

Canllawiau ar y modd priodol o gynnal busnes y Senedd

Cyhoeddwyd gan y Llywydd
o dan Reol Sefydlog 6.17

Ionawr 2022

Canllawiau ychwanegol ar weithrediad
trafodion y Cyfarfod Llawn yn ystod y
Cytundeb Cydweithio



Senedd Cymru yw'r corff sy'n cael ei ethol yn ddemocrataidd i gynrychioli buddiannau Cymru a'i phobl. Mae'r Senedd, fel y'i gelwir, yn deddfu ar gyfer Cymru, yn cytuno ar drethi yng Nghymru, ac yn dwyn Llywodraeth Cymru i gyfrif.

Gallwch weld copi electronig o'r ddogfen hon ar wefan y Senedd Cymru:
www.senedd.cymru

Gellir cael rhagor o gopïau o'r ddogfen hon mewn ffurfiau hygyrch, yn cynnwys Braille, print bras, fersiwn sain a chopïau caled gan:

**Ysgrifenyddiaeth y Siambr
Senedd Cymru
Bae Caerdydd
CF99 1SN**

Ffôn: **0300 200 6565**
E-bost: **Cysylltu@senedd.cymru**

© Hawlfraint Comisiwn y Senedd 2022

Ceir atgynhyrchu testun y ddogfen hon am ddim mewn unrhyw fformat neu gyfrwng cyn belled ag y caiff ei atgynhyrchu'n gywir ac na chaiff ei ddefnyddio mewn cyd-destun camarweiniol na difrïol. Rhaid cydnabod mai Comisiwn y Senedd Cymru sy'n berchen ar hawlfraint y deunydd a rhaid nodi teitl y ddogfen.

Canllawiau ar y modd priodol o gynnal busnes y Senedd

Cyhoeddwyd gan y Llywydd o dan Reol Sefydlog 6.17

Ionawr 2022

Canllawiau ychwanegol ar weithrediad
trafodion y Cyfarfod Llawn yn ystod y
Cytundeb Cydweithio



Cynnwys

Y Cytundeb Cydweithio 2021.....	5
Busnes y Cyfarfod Llawn	6
Cwestiynau llafar	6
Datganiadau llafar	6
Dadleuon.....	6
Ystyriaethau pellach.....	8
Atodiad: Aelodau Dynodedig (Ionawr 2022).....	9

Y Cytundeb Cydweithio 2021

- 1.** Dechreuodd y Cytundeb Cydweithio ('y Cytundeb') rhwng Llywodraeth Cymru a Phlaid Cymru ar 1 Rhagfyr 2021. Mae'n cynnwys ystod o feysydd polisi y bydd Llywodraeth Cymru a Phlaid Cymru yn gweithio arnynt gyda'i gilydd am gyfnod o dair blynedd, yn ogystal â chytundeb i Blaid Cymru hwyluso pasio cyllidebau Llywodraeth Cymru yn ystod y cyfnod hwn.
- 2.** Fel rhan o'r Cytundeb, mae Plaid Cymru wedi penodi 'Aelodau Dynodedig' o blith ei Haelodau o'r Senedd. Mae gan yr Aelodau hyn fynediad at gyngor polisi a chyngor cyfreithiol gan weision sifil Llywodraeth Cymru ac maent yn cymryd rhan mewn prosesau gwneud penderfyniadau ar y cyd â Gweinidogion Cymru sy'n ymwneud â'r meysydd a gwmpesir gan y Cytundeb. Mae gan Arweinydd Plaid Cymru rôl debyg drwy fod yn rhan o Fwrdd Trosolwg ar y Cyd sy'n ymwneud â'r Cytundeb. Bydd disgwyl i'r Prif Weinidog hefyd benodi dau Gyngorydd Arbennig a enwebir gan Blaid Cymru.
- 3.** Mae Plaid Cymru wedi ymrwymo i ddarparu enwau a chylchoedd gorchwyl yr Aelodau Dynodedig, gan gynnwys pan wneir unrhyw newidiadau i'r rhain. Mae rhestr o'r Aelodau Dynodedig presennol ac eglurhad o'u cyfrifoldebau wedi'u cynnwys fel Atodiad i'r canllaw hwn.
- 4.** Mae'r canllawiau ychwanegol a ganlyn sy'n ymwneud â gweithredu busnes y Cyfarfod Llawn yn ystod y Cytundeb wedi'u cyhoeddi gan y Llywydd, ar ôl ymgynghori â'r Pwyllgor Busnes. Maent yn ategu'r Canllawiau ar y modd priodol o gynnal busnes y Senedd yn unol â Rheol Sefydlog 6.17.

Busnes y Cyfarfod Llawn

Cwestiynau llafar

- 5.** Yn ystod y Cwestiynau i'r Prif Weinidog, bydd Arweinydd Plaid Cymru yn parhau i gael ei alw i ofyn cwestiynau heb rybudd i'r Prif Weinidog. Dylai'r cwestiynau ganolbwyntio ar graffu, ac ni ddylid eu defnyddio i hyrwyddo unrhyw feysydd polisi a gwmpesir gan y Cytundeb. Dylai Arweinydd Plaid Cymru gyfyngu ar ei gwestiynau yn ystod sesiynau cwestiynau Gweinidogion (cwestiynau wedi'u cyflwyno neu gwestiynau atodol) i gwestiynau sy'n ymwneud â materion etholaethol neu ranbarthol.
- 6.** Ni fydd Aelodau Dynodedig yn cael eu galw i ofyn Cwestiynau'r Llefarywr i Weinidogion portffolio a dylent gyfyngu ar eu cwestiynau (cwestiynau wedi'u cyflwyno a chwestiynau atodol) yn ystod sesiynau cwestiynau Gweinidogion i gwestiynau sy'n ymwneud â materion etholaethol neu ranbarthol.
- 7.** Caiff nifer y cwestiynau heb rybudd gan lefarywr Plaid Cymru eu cyfyngu i ddau fesul sesiwn cwestiynau Gweinidogol.

Datganiadau llafar

- 8.** Ni fydd Arweinydd Plaid Cymru nac Aelodau Dynodedig yn cael eu galw i gyfrannu at ddatganiadau llafar Gweinidogion ar bynciau heblaw'r rheini sy'n ymwneud â materion etholaethol neu ranbarthol. Caiff Arweinydd Plaid Cymru gyfrannu at ddatganiadau gan y Prif Weinidog.

Dadleuon

- 9.** Caiff Arweinydd Plaid Cymru ac Aelodau Dynodedig gyfrannu at ddadleuon, ond dylent arfer synnwyr cyffredin o ran yr hyn sy'n briodol a dylent ddatgan unrhyw fuddiannau o ystyried eu rolau o dan y Cytundeb.
- 10.** Mae'r Pwyllgor Busnes wedi cytuno y bydd cymhareb yr amser ar gyfer cynnal dadl wrthblaid a ddyrennir i Blaid Cymru yn cyfateb i nifer yr Aelodau yng ngrŵp Plaid Cymru ac eithrio Arweinydd Plaid Cymru a nifer yr Aelodau Dynodedig. Bydd yr amser ychwanegol sy'n cael ei ryddhau yn sgil hyn yn cael ei

aiddyrannu ar gyfer gweithgareddau nad ydynt yn rhai grŵp, er enghraifft dadleuon Aelodau.

Ystyriaethau pellach

11. Bydd effeithiau ymarferol eraill ar weithrediad busnes y Senedd sy'n deillio o'r Cytundeb hefyd yn cael eu hadolygu. Bydd y canllawiau hyn yn cael eu diweddarau yn ôl yr angen i adlewyrchu unrhyw oblygiadau pellach.

Atodiad: Aelodau Dynodedig (Ionawr 2022)

Siân Gwenllian AS	Cefin Campbell AS	Adam Price AS
<ul style="list-style-type: none">■ Prydau ysgol am ddim■ Gofal plant■ Ail gartrefi■ Cwmni adeiladu cenedlaethol■ Diogelwch adeiladau■ Eiddo a rhenti teg■ Digartrefedd■ Cwmni ynni sero net■ Adolygiad o lifogydd■ Sero net■ Cyfalaf a gwydnwch o ran llifogydd■ Bioamrywiaeth■ Trafnidiaeth gyhoeddus■ Athrawon cyflenwi a phlant sy'n derbyn gofal■ Dyddiadau tymhorau ysgol■ Diwygio cymwysterau	<ul style="list-style-type: none">■ Llygredd amaethyddol■ Plannu coed■ Cynllun Ffermio Cynaliadwy■ Strategaeth bwyd cymunedol■ Arfor a'r Cymoedd■ Adolygu trefniadau partneriaethau rhanbarthol■ Ysgol Lywodraethu Genedlaethol■ Diwygio'r dreth gyngor■ Dyfodol gofal cymdeithasol■ Ardollau twristiaeth lleol■ Prosiect 2050■ Addysg cyfrwng Cymraeg■ Safonau'r Gymraeg■ Enwau lleoedd Cymraeg	<ul style="list-style-type: none">■ Diwygio'r Senedd■ Y Comisiwn Cyfansoddiadol

Siân Gwenllian AS	Cefin Campbell AS	Adam Price AS
<ul style="list-style-type: none"> ■ Y Bil Addysg Drydyddol ac Ymchwil ■ Y Cwricwlwm ■ Rhwydwaith Seren ■ Mynd i'r afael â thlodi ac anghydraddoldeb ■ Iechyd meddwl ■ Anabledd ■ Cynllun Gweithredu Cydraddoldeb Hiliol ■ LHDTC+ ■ Strategaeth ddiwylliant ■ Goblygiadau cyllidol newydd gwasanaethau cyhoeddus cynaliadwy ■ Y gyllideb 	<ul style="list-style-type: none"> ■ Y Coleg Cymraeg Cenedlaethol a'r Ganolfan Dysgu Cymraeg Genedlaethol ■ Caffael ■ Darlledu ■ Cymorth ariannol ar gyfer y cyfryngau 	